

1.
1.
2.
3.
4.
5.
6.
6.
7.
8.



1783.

1. Fischerus, Fredericus Augustus: Ord. juridicæ . . . Decanus:
Pectori benevolæ salutem (ad Reputacionem inang. Cens. Gubern.
Oberkommissarij inserta)
2. Hommelius, Christianus Gualther: De personis quibus Beneficium
Competentialem conseguantur
3. Hommelius, Christianus Gualther: Reperta juris ecclesiasticæ
4. Kluegel, Ernst Gualfred Christianus: Theses juris variæ.
5. Kluegel, Ernst Gualfred Christianus: De senatus censuræ
atque legibus seu de intercessionibus mulierum.
6. Leonhardi, Joannes Gualfredus: Fa. medicæ . . . Decanus: panegyricus
medicæ . . . inscribitur adjectiva De nervorum minoratione
et vegetatione iniqui ratione virium medicamentum disci-
mine prælorum altera.
7. Leonhardi, Joannes Gualfredus: De chemicorum instrumentis mecha-
nicis errorum et doctrinarum fontibus.
8. Peals, Martinus Gualther: Ord. juridicæ . . . Decanus: Peci-
tori benevolæ a. p. d. (ad Reputacionem inang. Cens.
Junctis Honnifici inserta)

9. Pauli, Martinus Gollieb: Ord. juris Dei - - De causis:
 Lecturi benevole a p. d. / in exspectationem in aucto-
 ritatem Celsi Benjamini Scholastici iuristae.
10. Pauli, Martinus Gollieb: De jure protiniseos serenissimo
 Domini Virioto ten jure Saxoniae Electorali, quam
 Lusitiae superioris in alienatione feudorum inter viros
 competente.
11. Triller, Cordus Fidoricus: De quibusdam juris metaphisicis
 capitulis.
12. Wisandius, Georgius Stephanus: De expectantibus feudatibus
 1787.
1. Geislerus, Cordus Henricus: De analogia juris publici
2. Kluigel, Cordus Theophrastus Christianus: Via juris Saxoniae oratione -
- 2^{te} m. ab.
 3. Reiskard, Franciscus Volkmann: Utrum Christianus maximus ge-
 nusque suum dissimulaverit et despoxerit.
4. Reiskardus, Franciscus Carolus Gethardus: Dissertationis in qua
 observationes quaedam ex jure commerciorum de promptae

3. M
 6. M
 7. M
 8. M
 17
 1.5
 2.

proponuntur

5. Michius, Carolus Augustus Christianus: De servitute reals
sive studio sive incuria vesalli fundo contracta
in hujus emtorum transiente

6. Wiesel, Georgius Stephanus: Ord. juridici . . . Pro. Deca-
nus: Lectori benevole salutem (ad Disputationem in ang.
Caroli Augusti Christiani Michii invitat)

7. Wiesel, Georgius Stephanus, Ord. juridici . . . Pro. Decanus:
Lectori benevole salutem (ad Disputationem in ang. Christiani
Georgii Wethii invitat)

8. Wiesel, Georgius Stephanus: De inundationibus aquarum
variae juris sententiae

1785.

1. Adam, Christianus Gottfriedus: De conditione metallorum
mixtura.

2. Kluegel, Gottlob Christianus: Ord. juridici . . . Pro. Decanus:
Lectori benevole salutem (ad Disputationem in ang. Christiani
Friederici Wethii invitat) Tract. de commissis fraudato-
rum refectionum causa.

3. Kluegel, Ernst Gotthard Christianus: Variarum juris
sententiarum
4. Kluegel, Ernst Gotthard Christianus: De potestate potestatis
circa istius generis electionem filiorum.
5. Schmid, Cordus Ferdinandus: De cautione jure naturalis
nulla.
6. Trillerus, Cordus Fredericus: Dissertatio juris antiquis
procuratorum Saxoniae capita potiora sistens.
7. Triller, Cordus Fredericus: De variis furtorum generibus,
procuratorum de furto inuestigatio
8. Wilisch, Christianus Fredericus: De jure collectandi in locis
horis Germaniae.

7 /
1783
66-

FACULTATIS MEDICAE
IN ACADEMIA VITEBERGENSI

H. T.

DECANVS

IOHANNES GOTTFRIED
LEONHARDI

PHILOSOPHIAE ET MEDICINAE DOCTOR PATHOL. ET CHI.
RVRG. PROFESS. PVBL. ORDINAR. SOCIET. OECON.
LIPSIENS. SODAL.

PANEGYRIN MEDICAM

AD XIII. MENS. OCTOBRIS A. MDCCCLXXXIII.

HABENDAM

INDICIT

ADIVNCTA

DE ACIDORVM MINERALIVM ET VEGETABILIVM INSIGNI
RATIONE VIRIVM MEDICATARVM DISCRIMINE

PROLVSIONE ALTERA.



Quum nuperrime acidorum mineralium atque vegetabilium usum in medicina promiscuum reprehendere instituissem, id vnice ante omnia a me agendum esse existimaui, vt qualiacunque chemica, quibus ad eundem vel excusandum vel adeo defendendum aduersariorum calliditas abuti posset, argumenta tum a communi omnium acidorum ex vniuersali quodam acore origine, tum a vegetabilium acorum maxima cum mineralibus vel omnibus vel quibusdam similitudine petita infirmarem et refellerem, vtque allato vtrorumque acidorum discrimine praecipuo, quod in oleoso principio vegetabilibus intimius innato, mineralibus vero alieno positum est, ostenderem, nullis adhuc licuisse laboribus chemicis ista quidem adeo familiari et irrupta copula iungere oleosis, vt vegetabilia prorsus aemularentur; possemque adeo adiungere neque in remouendo elemento vegetabilium acidorum oleoso occupatos chemicos eo successu operatos esse, vt acida mineralibus gemina producerent; siquidem acidum illud sacchari, quod acoris nitrosi fortissimi ope ex saccharo euoluitur et ab adhaerentibus partibus oleosis summo studio depuratur, nihilo tamen minus ad summum
a 2 puri-



puritatis gradum euectum etiamnum, testante forma solida et crystallina, phlogistici quam plurimum retineat ^{a)} itemque acetum, quocunque modo concentratum salisque lixiuosi hospitio exceptum, salem medium praebeat, qui inter vrendum etiamnum nigrescit. At enim vero satis de his rebus disputasse mihi visus, iam ad reliqua, quorum afferendorum fidem dedi, veniendum atque adeo ostendendum esse puto, vtrumque acidorum effectus in varias corporis partes esse diuersissimos et ne tunc quidem perinde esse, vtrum horum exhibeas, quando viribus iisdem actura vtraque esse prima fronte videntur.

Ac primum quidem omnia acida humores corporis humani sanos et puros, quibus lymphaticae naturae latex admixtus est, veluti serum sanguinis ^{b)} tingentem placentae sanguineae partem ^{c)}, bilemque ^{d)} solent coagulare, mucum ^{e)} contra et fibrosam placentae sanguineae partem albam ^{f)} soluere; in cogendo tamen sanguine, cuius omnia tria elementa, ferosum, tingens et fibrosum nimirum, copulata adhuc occurrunt, et maiorem et citiorem et constantiorem efficaciam acres minerales habere, quam vegetabiles ^{g)}, adeo vt acetosi acidi tali sanguini admixti vis tam exigua et lenta, immo etiam

a) Vid. TORBERN BERGMANN de acido sachar. §. 26. in opusc. phys. chem. Vol. I. p. 275.

b) vid. CAROL. GVIL. POERNERI *Exper. de alb. ouor. et seri sanguinis conuen.* Lips. 1754. 4. §. 9. p. 25. §. II. p. 28.

c) v. BVCQVET apud MACQVER. *chem Wörterb.* T. I. p. 354.

d) v. JAMES MACLVRG *Experiments upon the human bile* Lond. 1772. 8.

e) vid. ANDREAE RVDIGER, et CHRISTIAN. ADAMI GORN *diff. med. de pituita* §. II.

f) vid. BVCQVET ap. MACQVER l. c. p. 353. f.

g) v. ALE. DE HALLER *Elem. physiol. C. H. Tom. II. Lib. V. Sect. II. §. 25.*



denuo diffuere, et ad cruorem in sugillatis locis discutien-
 dum posca siue acetum aqua dilutum et tepesactum aequae fre-
 quens atque efficax remedium habetur. Quae cum ita sint,
 recte omnino scripsisse intelligitur GERARDVS VAN SWIETEN ^{k)}:
acetum blande solvere coagulatum sanguinem; et alibi ^{l)}:
non omnia acida sanguinem coagulare; vina enim acidula,
acetum, succos acidorum maturorum fructuum, lac ebuty-
ratum etc. potius eundem dissoluere, sed acida fossilia ex
sale marino, nitro etc. parata sanguini inducere coagu-
lum. Maxime omnium vero aceto vindicat attenuandi virtu-
 tem HERMANNVS BOERHAAVIUS ^{m)}, qui vsu doctus affirmat,
acetum, maxime tepesactum, cruorem eiusdemque serum,
cui immistum fuit, diluere, non cogere, nec generare hac
admissione polypos, sed suauiter resolueret coagulata. At-
 que hanc aceti in congrumato cruore liquefaciendo efficaci-
 am agnouit ipse laetissimus, quum ex erosio vesicae vrinariae
 vasculis in ipsius cauum profusum sanguinem coagulatum,
 ischuriam pertinacissimam inducentem, dissoluendum consu-
 lerem iniectione ex aceto, aqua et melle temperato, tepida,
 faustissimo cum euentu. Ex omnibus vero haecenus dispu-
 tatis satis elucescit, acida vegetabilia non modo coagulata sol-
 uere, sed etiam, si quae coagula faciant ipsa, tam solubilia
 producere, vt facile rursus liquefiant; accedente inprimis in
 corpore viuo vitalium organorum continua opera et biliosi
 ferrosique calentis succi efficacia; vt proinde tamen potius ve-
 getabilibus tribuas vim resolutoriam et saaponaceam ab oleoso
 principio adiuncto profectam, quam condensantem; quum e
 con-

k) *Comment. in H. BOERHAAVII aphorism.* T. III. p. 572.

l) *l. c. T. I. p. 177.*

m) *Elem. chem.* Tom. II. Pars. I. proc. L. no. 5. ed. Lips. 1732. 8. p. 185.

contrario acida mineralia, oleoso principio et virtute saponacea destituta et aquosi cupidiora et promptius et pertinacius cogant humores coactosque minus abstergant, quam potius condensentⁿ⁾. Et quamvis ex BVCQVETI^{o)} obseruatione, etiam acor nitri fortissimus sanguinis partem seroso lymphaticam ab ipso coagulata[m] facillime dissoluat, atque adeo hoc cum aceti acido tum fortiori, tum diluto, vt ex superioribus patet, idem praestante commune habeat, diuersissimam tamen coaguli viriusque soluti indolem esse aqua adfusa docet, quae ex nitroso acore illud deiicit, aceto vero relinquat.

Solidas corporis fibras elasticas et cellulosas acida confringunt et corrugant, fossilia tamen longe fortius, quam vegetabilia; quinimmo ex DAVIDIS MACBRIDII^{p)} experimentis in carne veruecina cum acoribus, vitriolico, muriatico, acetoso et limoniorum ad pare[m] aciditatis gradum aqua dilutis et modico caloris gradu fosis, constat, acida mineralia fibras carneas constipare et indurare, vegetabilia e contrario easdem potius emollire et relaxare; quocum effectu extra corpus obseruato conuenit quoque tum illud, quod cum acido morbofo, vegetabilis originis, laxitas corporis totius periret, tum et hoc, quod acida vegetabilia, vt medicamenta data, plerumque omnium excretionum libertatem conferuent quantitatemque augeant. Scilicet, quoniam acidorum vegetabilium actio per corporis nostri succos viresque facile vincitur, accidit, quod et circa coagulantem virtutem locum habet, vt, quam ab initio vere praestabant, solidorum adstrictio

non

n) *Acida vegetabilia magis sunt saponacea et abstergant, quam spiritus vitrioli.* HUXHAM oper. physico-med. T. II. p. 148.

o) vid. MACQVER I. c. p. 352.

p) v. EIVS *Versuchs.* Zurich. 1766. 8. p. 126. 138. f.



non ita diuturna euadat, vtque ipsa alleclis pluribus per modicum simulum succis non tam primario, quam potius secundario effectu relaxent.

Manifestissimum vero efficacitatis discrimen in actione diuersa, quam in nervos exercent, positum est. Auerfantur acoris sulphurei suffocantem, nitrosi mephiticum, muriatici teterimum odorem nerui olfactorii; aceti spiramine contra reficiuntur. Vapor acoris sulphurei, nitrosi et muriatici ad animi vsque deliquia molestus fieri solet, aceti contra halitus animo lictos efficacissime refocillat. Sapor dilutorum etiam acorum, quos commemorauimus, fossilium aliquid ingrati in recessu habet, aceto e contrario, vt blandissimo ad palatum ciborum condimento vtimur. Sentit pectus debile ingratam vini, sulphureo fumo ad fermentationem alteram arcendam impraegnati, spiritus porro nitri dulcificati adeo, salisque tum acidi tum dulcis, vt vt blandientibus syrupis remixti, irritationem; aceto contra, inprimis dulcibus contemperato, a variis incommodis liberatur. Quamuis vero acidorum mineralium haectenus spectatorum qualitates nervis molestae non insint acido vitriolico puro et inodoro, nihilo tamen minus vim veram analepticam, qualis aceto verbi causa inest, tribuere ipsi nequaquam possumus. Tantum enim adest, vt neruorum sensum heberem exacuat vitriolicum acidum, vt potius exsuperantem mobilitatem compefcat neruisque nimium sensibilibus callum quasi quendam inducat¹⁾. Itaque in illa debilitate febrientium nervosa, quam ab optime elaboratorum humorum defectu, sanguineque aquoso, tenui, phlegmatico et quasi inertis et vappido in laxis effeminatisque nostri seculi corpori-

¹⁾ V. ALB. DE HALLER *opuscul. pathol. in EIVSDEM oper. anat. argum. minor. T. III. Laus. 1768. 4. p. 311. &c. obs. 79.*



poribus tam frequenter offendimus, quamque, praeter accom-
modata nutrientia, nervinis cardiacis aggredimur, etsi utplu-
rimum ab omni acido abstinemus, si tamen cuidam locus fo-
ret, vegetabile potius adhibemus, quam vitriolicum; parum
quidem tunc confisi ei virium resuscitationi, quam in putrida
sanguinis resolutione hoc ipsum acidum mirificam praestat,
utpote quae non ab analeptica eius acidi virtute, quam po-
tius ab ea pendet, qua putridum corrigit resolutumque con-
densat.

Verum enimvero praeter ea, quibus, quam diuerso mo-
do in succos, fibras nervosque corporis nostri operentur aci-
da ex fossilium plantarumque tribu oriunda, hucusque con-
firmavimus, insignis utrorumque ratione virium medicatarum,
quibus morbosas et nociuas machinae nostrae inhospitantes
aut illatas aduersae valetudinis causas adoriuntur et expu-
gnant, discriminis testimonia aequae locupletia atque eviden-
tia supersunt. Nascitur aliquando ex abusu vegetabilium ace-
scentium et acidorum, in quibus euolutus iam acor est, cuius
nimiam quantitatem vires ventriculi et intestinorum et effica-
cia bilis reliquorumque humorum digerentium coercere et
corrigere incassum laborant, vel ex usu nimio farinosorum et
dulcium, e quibus tectus acor fermentatione quadam euolui-
tur, quam languida relaxatarum fibrarum tubi cibarii muscu-
losarum potentia tenuiorque et inertior bilis et succorum ali-
mentis concoquendis inferuentium mixtio arcere nequit, aci-
dum quoddam morbosum consistentiae liquidae et indolis fi-
xioris aut indolis volatilis et consistentiae aeriformis, in quo
utroque comescendo quamuis aliquando acida vegetabilia,
frigida inprimis temperatura hausta, laudabilem exercere viden-
tur efficacitatem, tantum tamen abest, ut plenarium auxilium
b
ferant



ferant, vt potius ad tempus exiguum modo profint, quinimmo suis ipforum particulis morbificae dispositioni nouos accessus maioraque parent accrementa, scilicet diurnae satis et constanti partium solidarum corroboracioni fluidarumque condensacioni efficiendae imparia, quinimmo relaxacioni et dissolucioni maiori deinceps inducendae idonea, sua insuper aciditate morbofo acido gemina, ipsi morbi fomitem materiemque augent. Mineralium e contrario acidorum atque imprimis vitriolici, ceu omnium reliquorum optimi, longe alia hoc in casu est operandi ratio. — Nam primo sicuti ne vinofi liquores in acescentem corruptionem transeant sulphuris accensi vapore acido, aut, admixta parua olei vitrioli *), idem commodum sine sulphurei fumi incommodis praesentis, quantitate cauetur: ita quoque in nostri corporis primis viis acescentis fermentationis corruptionem arcere suo modo ab ingestis modico vitriolici acidi vsu possumus; neque aliam ob causam ad expugnandum acorem tenuem morbosum elixir proprietatis PARACELSI et vitriolicum MÛNSICHTI, vtrumque illud quidem vitrioli spiritu acidulatum, adeo egregie conducere videtur. Recte proinde etiam ad alui fluxus, ex nimio acido per fermentationem fructuum horaeorum iusto copiosius ingestorum ortos commendauit acida mineralia Cl. SAMVEL FARR *) vtpote quibus aer elasticus, fermentatio-

ne

*) vid. FRIED. AVG. CARTHEUSERI *Abhandlung über die Verfälschungen der Weine*. Gießen 1779. 8. p. 62. ff. vbi, testimonio HVMMELII (tract. de arthrit. tartarea et scorb. p. 42.) vsus, confirmat vina deo pendula olei vitrioli admixtione illico restitui, immo ipsa aceta, ne in mucorem et coagulum abeant sic praeseruari et ipsa vina dulcia, quae in Hollandia a fermentatione tueri et ita bibere moris est, nullo alio artificio melius in desiderato statu conseruari, quam admixto acido vitriolico, quod non tantum dulcedinem non imminuit, sed et auget.

*) Essay of the medical virtues of acids. Lond. 1769. 8. p. 128. ff.



ne euolutis, si non destruitur, certe redditur fixior. Deinde acida mineralia, fortiter et constanter adstringendo solidas corporis partes, non modo intra fibrarum relaxatarum cellulas repositos succos aquosos excutiant, sed coangustatis quoque vasis, quominus nimius tenuioris laticis, liquorum digerentium praesertantiam minuendis, affluxus fieri possit, impediunt, atque adeo laxitatem pariter tenuitatemque corrigendo, morbificae dispositioni, quae acidi in primis viis euolutionem concedit, efficacissime resistunt.

Ad venenorum stupefacientium deleterias vires infringendas acida vegetabilia vtilissime propinari, vsus docuit; quo ipso magistro eruditus ad Cl. NAVIER obseruationem de symptomatis molestis ab hyoscyamo cum lactuca assumto ortis praeclare animaduertit doctissimus VANDERMONDE, in compescendo hyoscyami, belladonnae aliarumque plantarum soporiferarum effectu narcotico vel interdum adeo letali multum omnino valere acetum, quo quidem plantae istae sapissime ita mutantur, vt earum vis non vltius nociua, sed arodyna tantum remaneat²⁾. Ad fungos quoque venenatos antidoton potentissimum praebere acetum³⁾ quinimmo succum citri, cremorem tartari omninoque omnia acida vegetabilia, largissima copia ingesta, aequae proficua esse ita quidem constat, vt quum omnium fere fungorum suspecta sit indoles, nonnisi vel ex aqua, cum aceto remixta coctos et deinceps abiecta coctionis primae aqua solito modo praeparatos, vel acidis potius vegetabilibus conditos, cum multo potu acidu-

b 2. lato

2) vid. recueil periodique d'Observations de Medicine, Chirurgie, Pharmacie etc. par Mr. VANDERMONDE T. IV. p. 113. ff.

3) vid. Cl. HATTE in *Recueil periodique* &c. T. III. p. 299. IOH. FRIED. GMELIN *Abhandl. von giftigen Gewächsen*. Vlm 1775. 8. p. 38.



lato ingerere, tutissimum consultissimumque plerique recte arbitrentur.^{*)} Vires insuper acetii antidotas ad virus canis rabidi^{*)}, ad cuprea venena^{*)}, et plumbea^{*)} ad arsenicum denique, cui etiam limoniorum succus opponitur^{b)}, succique acetosae ad ranunculaceum virus^{c)} non sine insigni vtilitate tentatas esse, in aprico est. Itaque iure promeretur acor vegetabilis et maxime quidem acetum inter remedia venenorum atrocitatem debellantia locum quendam eminentiorem, ad quem adspirare posse, deficientibus experientiae suffragiis, ex acidis mineralibus nullum videtur. Quam enim in corrigendis venenis acerbis lixiuiosis exferunt mineralia acida, multa aqua diluta, virtutem, eam vero non praecipuam sed communem habent cum vegetabilibus.

Ceterum etsi ex haecenus commemoratis fatis abunde patet, quam insignis obtineat ratione virium medicatarum inter acida vegetabilia et mineralia diuersitas: in ea tamen, quae proxime recurret, libelli academici similis conscribendi oportunitate eam quidem denuo in vtrorumque acidorum discrimine euincendo collocabo operam, vt, quod dicere restat, in plerisque casibus, vbi virtute eadem opem ferre posse viderentur, promiscue tamen dari non posse ostendam; vtque

- *) V. IOH. AVG. VNZERI *medic. Handbuch*. Leipz. 1776. 8. p. 368.
 y) V. Comment de rebus in scient. nat. et med. To. gest. XI. p. 720.
 z) V. Cl. FABAS apud VANDERMONDE l. c. T. XVI. p. 552.
 a) V. IOH. FRIEDR. GMELIN *Allgem. Gesch. der mineral. Gifre*. Nürnberg. 1777. 8. p. 181.
 b) IDEM l. c. p. 110.
 c) vid. CAROL. KRAFF *Experim. de nonnull. ranunc. venen. qual.* Vien. 1776. 8. p. 102.

utque ad amarae acrimoniae genera tollenda mineralia nunquam aeque conducere confirmem, atque vegetabilia.

His igitur nunc missis transeo potius ad commendationem publicam

V I R I

CLARISSIMI ATQVE NOBILISSIMI

IOANNIS FRIDERICI CHRISTIANI
I S R A E L

L V C C A V I A L V S A T I

BVMORVM IAM IN MEDICINA HONORVM CANDIDATI

qui stadium academicum, discendae medicinae destinatum, in hac vniuersitate literaria multo cum studio emensus, editis in examine theoretico atque practico ad VI. mens. Septembris a. c. cum ipso instituto legitimis doctrinae comparatae speciminibus, consentiente Collegii nostri suffragatione dignus declaratus est, in quem summa, quam modeste a nobis petiit, in arte salutari dignitas conferretur. Quo melius vero appareat, quos labores sustinuerit, vt hoc eruditionis praemium honesto consequeretur modo: de rebus ad vitae inprimisque studiorum ipsius cursum pertinentibus, quam nobis exhibuit, commemorationem breuem adiciam.

*E*go, IOANNES FRIDERICVS CHRISTIANVS ISRAEL, natus sum Luccaniae in Lusatia inferiori, Anno hujus seculi,



quinquagesimo octavo, die duodecimo Mensis Ianuarii, patre IOANNE GOTTLÖB, Medicinæ Doctore et Practico, nec non Physico Provinciali, matre IOANNA CHRISTIANA SALOME, e gente THIRLIANA, cuius vero, praematura morte mihi ereptae, obitum admodum doleo atque lugeo, cuiusque cineres ac ossa adhuc pia mente veneror. Patris itaque, quem adhuc superstitem esse vehementer lactor, pioque et obstricto animo colam, et pro cuius incolunitate ad Deum Ter Optimum Maximum, assiduas maxime ardentissimasque preces fundam, Patris inquam solius cura factum est, ut religionis omnisque generis humanarum literarum elementis instruerer, quod inprimis industria Praeceptorum domesticorum impetraui. Quo facto Lyceum, quod Luccaviae floret, frequentavi, et haud exiguos, ex eruditione atque doctrina Doctissimorum Virorum b. SCHMERBAVCHII t. t. Rectoris et WOLFII Courectoris, percepi fructus, quorum memoriam obliuioni nunquam tradam. Literis itaque humanioribus imbutus, Anno 1778. die 12. Mensis Junij Vitebergam adii, et a Viro Excellentissimo IOANNE IACOBO EBERTO, tunc Rectore Magnifico, in numerum civium academicorum sum receptus. Ante omnia, Philosophiam, tanquam fundamentum reliquarum scientiarum addiscendam putavi, et ab Excell. HILLERO totum Philosophiae cursum sum edoctus. Historiam naturalem, Physicamque tam theoreticam quam experimentalem egregie me docuit Excell. TITIVS. Cum vero animus mihi esset artem salutarem addiscendi, praedicationibus BÖHMERI Viri Magnifici,

fici,

fici, in Osteologiam, Physiologiam, Botanicam, Materiam medicam, Therapiam generalem et specialem atque Pharmacia[m] interfui, Eundemque in arte conscribendi formulas medicas inque exercitationibus disputatorijs fidiſſimum habui magiſtrum adeo, ut animi Ipfus erga me beneuoli, patrociniique, quo me ſemper eſt dignatus, ad cineres vſque deuenerandi, nunquam futurus eſſe poſſim immemor. Experiſſimus LEONHARDI Chemiam et Clinicam, ſeu Therapiam ſpecialem, mihi expoſuit, meque Phyſiologiam examinando docuit, cujus benignitatis beneuolentiaeque erga me eximia, per omnem vitam gratiſſima mentis pietate recordabor. Experiſſimus NÜRNBERGERVS non modo enarrauit mihi Pathologiam, Therapiam generalem, Meadii praecepta et monita medica, Chirurgiam, morbos venereos, doctrinamque de Herniis, verum etiam examinibus priuatis omnes Medicinæ partes, mecum ita percurrit et repetiit ut inde non parum commodi atque utilitatis reportarem. Vti vero Ipfus ob inſignia erga me merita praeprimis multum debeo, ita nullam quoque occaſionem praetermittam, qua animum erga Ipfum gratiſſimum patefacere mihi continget. Exper. LANGGVTHIO in Anatomicis praelectionibus, Medicina forenſi et arte obſtetricia magiſtro uſus ſum. Nec ſilentio praetereundi ſunt VIRI MAGNIFICI ET EXPERIENTIſſIMI nunc pie defuncti, nimirum b. Illuſtr. TRILLERVS, ex cuius colloquijs erudiſſimis atque diſputationibus uberrimos percepi fruſtus, cujusque memoriam nullum tempus in me delebit, et b. LANGGVTHIVS, cujus praelectionibus Chirurgicis



non sine commodo interfui, cuiusque recordatio mihi semper erit gratissima. Denique etiam PATRIBVS ACADEMIAE CONSCRIPTIS omnibus ac singulis multas ago habeoque gratias pro beneficio Viteriano, benigne in me collato, quo per quatuor annos in conuictorio electorali gratis sineque pretio consueto enutritus sum.

Iam, vt, quos ambit Candidatus noster, supremos in arte medica honores legitimo modo moreque maiorum consequatur, defendenda adhuc publice est ab Ipso contra dissentientes in auditorio maiori horis ante et post meridiem consuetis dissertatio inauguralis *de chemicorum instrumentis mechanicis, errorum et dissensus fontibus*, me ipso praeside. Dicta est huic solemnitati D. XIII. mens. Octobris. Cui, vt **RECTOR ACADEMIAE MAGNIFICVS**, **PROCE-RES VTRIVSQUE REIPUBLICAE GRAVISSIMI**, **CIVESQUE ACADEMIAE NOSTRAE GENEROSISSIMI** atque **NOBILISSIMI** frequenter interesse velint, omnes ac singulos obseruantissimis et humanissimis precibus rogamus. P. P. Vitebergae *Dominica XVII. post Festum S. S. Trinitat.*
A. O. R. cIoIoCCLXXXIII.



Wittenberg, Diss., 1783-85

ULB Halle

004 335 937




3

f

sl.

1078







7
1783
68

FACULTATIS MEDICAE
IN ACADEMIA VITEBERGENSI

H. T.

DECANVS
IOHANNES GOTTFRIED
LEONHARDI

PHILOSOPHIAE ET MEDICINAE DOCTOR PATHOL. ET CHIR.
RVRG. PROFESS. PVBL. ORDINAR. SOCIET. OECON.
LIPSIENS. SODAL.

PANEGYRIN MEDICAM

AD XIII. MENS. OCTOBRI A. MDCCCLXXXIII.

HABENDAM

INDICIT

ADIVNCTA

DE ACIDORVM MINERALIVM ET VEGETABILIVM INSIGNI
RATIONE VIRIVM MEDICATARVM DISCRIMINE

PROLVSIONE ALTERA.

